

आकाशवाणी

- 1 प्रधानमंत्री नरेन्द्र मोदी होरें आसियान-भारत शिखर सम्मेलन च आखेआ ऐ जे 21मीं सदी भारत ते आसियान मुल्खें दी सदी ऐ।
2. नाबार्ड दे सर्वेक्षण मुजब 5एं बरें च ग्रामीण परोआरें दी म्हीनावार औसत औंदन 57 फीसद थमां मती बधी ऐ।
3. भारत दा कपड़ा खेत्तर 2030 तगर तकरीबन 350 बिलियन डॉलरें तगर बधने दी मेद ऐ।
4. केन्द्री गृह मंत्री अमित शाह होरें भारती उद्योगें गी उंदा स्तर ते आकार बधाने दी गुजारिश कीती ऐ।
5. सेहत ते परोआर कल्याण मंत्रालय नै अज्ज नमीं दिल्ली च मानसिक सेहत सरबन्धी कुल संसारी ध्याड़े दे मौके पर टेली-मानस ऐप ते वीडियो कॉल दी सुविधा शुरु कीती ऐ।

<><><><><><>

PM Asean (updated)

प्रधानमंत्री नरेन्द्र मोदी होरें आखेआ ऐ जे भारत दी एक्स ईस्ट नीति नै आसियान मुल्खें दे कन्नै सरबन्धें गी नमीं उर्जा, रफ्तार ते दिशा दिती ऐ। उनें इस गल्लै पर जोर दिता जे 21मीं सदी भारत ते आसियान मुल्खें दी होग। लाओस दी राजधानी वियंनचन च भारत-आसियान सम्मेलन गी संबोधित करदे होई प्रधानमंत्री होरें आखेआ जे भारत ते आसियान मुल्ख, अमन-पसंद मुल्ख न

ते एह इक-दुए दी अखंडता ते संप्रभुता दा सम्मान करदे न। उनें आखेआ जे जिसलै दुनिया दे केई हिस्सें च मतभेद ते तनोतनी ऐ तां नेय च भारत ते आसियान मुखे दी दोस्ती, सैहयोग, गल्लबात ते सांझेदारी बड़ी महत्वपूर्ण होई जंदी ऐ। भारत ते आसियान मुखे दे महत्वै पर लोस पांदे होई श्री मोदी होरे आखेआ जे आसियान खिते दे कन्ने भारत दा बपार पिच्छले 10एं बरें च दूना होइयै 130 बिलियन डॉलर शा मता होई गोआ ऐ। उनें आखेआ जे भारत दी 7 आसियान मुखे दे कन्ने सिद्दी ब्हाई कनेक्टिविटी ऐ ते तौले गै ब्रुनेई लेई बी सिद्दी डुआरियां शुरु होडन। उनें इब्बी आखेआ जे भारत नै तिमोर-लेस्ते च नमें कारोबारी सफारतखाने खोले न। मोदी होरे आखेआ जे सिंगापुर, आसियान खेतर दा पैहला मुख ऐ जेहदे कन्ने भारत नै फिनटेक कनेक्टिविटी स्थापित कीती ऐ। एहदे शा पैहले अज्ज दपैही प्रधानमंत्री मोदी हुंदे वियंनचन पुज्जने पर लाओस दे गृह मंत्री विलायवोंग बौद्धाखम होरे सोआगत कीता। होटल पुज्जने पर प्रवासी भारतीयें बी उंदा सोआगत कीता। एहदे परेन्त मोदी होरे लुआंग प्रबांग दे बड़ी मती प्रतिशठा आहले रॉयल थिएटर आसेआ लाओस रामायण दी पेशकारी दिक्खी। मोदी होरे लाओस दे केन्द्री बौद्ध फैलोशिप संगठन दे बौद्ध भिक्षुएं दे अर्शीवाद समारोह च बी हिस्सा लैता। अपनी जातरा दे पैहले दिन श्री मोदी होर आसियान सदस्य मुखे ते हिस्सा लैने आहले मुखे कन्ने दपक्खी बैठकां करडन। इस जातरा दे दरान उंदा 19में पूर्वी एशिया शिखर सम्मेलन च हिस्सा लैने दा बी कार्यक्रम ऐ। लाओस जाने शा पैहले अपने बयान च मोदी होरे आखेआ जे भारत, लाओस सने आसियान मुखे दे कन्ने सांस्कृतिक ते सभ्यता

दे सरबंध सांझे करदा ऐ जेहड़े बौद्ध धर्म ते रामायण दी सांझी विरासत कन्नै समृद्ध न।

<><><><><><>

India-ASEAN Joint Statement

भारत ते आसियान मुल्खें बक्ख-बक्ख खेतरें जि'आं शिक्षा, सेहत, राई-बाई ते जलवायु परिवर्तन दे खेतरें च डिजिटल सार्वजनिक ढांचे च आपसी साथ-सैहयोग बधाने पर जोर दिता ऐ। जारी कीते गेदे इक सांझे बयाना च भारत ते आसियान समूह नै आखेआ ऐ जे ओह डिजिटल सार्वजनिक ढांचे दे खेतर च अपने ज्ञान, तजुर्बे ते बेहतरिन बवस्थाएं गी इक-दुए कन्नै सांझा करडन। भारत ते आसियान समूह नै इब्बी मन्नेआ ऐ जे आर्टिफिशियल इन्टेलीजेंस करी कम्म-रोजगार दी किस्म च तेजिआ कन्नै बदलाव आवै करदे न ते इंदे मुजब अग्गे बधने आस्तै कम्मकाजी अमले दे हुनर च बाददा-विस्तार बी अत्त लाजमी ऐ।

<><><><><><>

Maha Gajendra Singh Shekhawat

केंद्री संस्कृति ते पर्यटन मंत्री गजेंद्र सिंह शेखावत होरें युवाएं गी सांस्कृतिक राजदूत बनने दी गुजारिश कीती ऐ। नवी मुंबई च विकसित भारत एंबेसडर युवा कनेक्ट कार्यक्रम गी संबोधित करदे होई उनें आखेआ जे भारत केई दुनिया भरै दे सैलानिएं लेई आकर्षण दा केंद्र ऐ। शेखावत होरें युवाएं ते विद्यार्थिएं गी अपील कीती जे ओह देशै दी संस्कृति, परंपराएं ते मुल्लें-कदरें गी होर अग्गे तोहड़ी पुजान। उनें आखेआ जे हुन विकसित भारत बनाने लेई योगदान देने दा समें ते मौका ऐ, ते ईआं करियै अस अपने सुतैतरता सेनानिएं गी सच्ची

श्रद्धांजलि देई सकने आं। शेखावत होरें इस गल्लै पर जोर दिता जे अज्ज
भारत दुनिया दी त्रीये नम्बरै दी सब्बनें शा बड्डी अर्थबवस्था ऐ ते युवाएं देशै
गी अगगे बधाने च बड्डे पैमाने पर जोगदान दिता ऐ।

<><><><><><>

NABARD Survey

2016-17 थमां 2021-22 दे दरान ग्रामीण परोआरें दी म्हीने दी औसत औंदन
57 प्रतिशत थमां मती बधी ऐ। राश्ट्रीय कृषि ते ग्रामीण विकास बैंक (नाबार्ड) दे
दुए अखिल भारती ग्रामीण माली समावेशन सर्वेक्षण दे मताबक म्हीनावार
औसत औंदन 2016-17 च 8 ज्हार 59 रुपें कोला बधियै 2021-22 च 12
ज्हार 698 रुपे होई गेई। परोआरें दा औसत माहवार खर्चा बी 6 ज्हार 600 रुपें
शा बधियै 11 ज्हार 200 रुपें शा मता होई गेआ। सर्वेक्षण मुजब माली बचत च
बी बाद्दा होआ ऐ। इस दरान औसत घरेलू बचत लगभग 9 ज्हार 100 रुपें शा
बधियै 13 ज्हार 200 रुपें शा मता होई गेआ। 2021-22 च तकरीबन 66
प्रतिशत परोआरें बचत दी सूचना दिती जेहड़ी 2016-17 च 50 इशारिया 6
प्रतिशत कोला मती ऐ। ग्रामीण परोआरें च बीमा कवरेज च बी काबिले-जिक्र
बाद्दा होआ ऐ। घट्टोघट्ट इक मैम्बर दे बीमा आहले परोआरें दा अनुपात
साइडे 25 फीसद थमां बधियै 80 फीसद शा मता होई गेआ ऐ। सर्वेक्षण च
ग्रामीण करसानें बश्कार माली समावेशन दे विस्तार च करसान क्रेडिट कार्ड दी
प्रभावशीलता दे बारें च बी दस्सेआ गेआ ऐ। पेंशन कवरेज च सुधार होआ ऐ
जेहड़ी लगभग 19 प्रतिशत थमां बधियै साइडे 23 प्रतिशत परोआरें तगर पुज्जी

गेआ ऐ। उत्थे गै, बकाया कर्जे आहले परोआरें दा अनुपात 47 फीसद शा बधियै 52 फीसद होई गेआ ऐ।

<><><><><><>

Textile Sector Growth

भारत दा कपड़ा खेतर 2030 तगर तकरीबन 350 बिलियन डॉलरें तगर बधने दी मेद ऐ। अगस्त 2024 दे मुख्य दे कारोबारी आंकड़ें मुजब, इस खेतर च तैयार कपड़ें च साल-दर-साल 11 फीसद दा बाद्दा दिक्खेआ गेआ ऐ। कपड़ा मंत्रालय नै इक बयान च आखेआ ऐ जे भारत सरकार दा लक्ष्य केई योजनाएं ते नीतिगत पैहलकदमिं दा लाह ठोआइयै इस लक्ष्य गी हासिल करना ऐ। एहदे च आखेआ गेआ ऐ जे अगले त्रै शा 5एं ब'रें च पीएम मित्रा ते पार्क ते उत्पादन कन्नै जुड़ी दी प्रोत्साहन योजनाएं दे राहें 90 ज्हार करोड़ रुपें शा मते दी रास-पूंजी दी मेद ऐ। मंत्रालय नै इब्बी जिक्र कीता जे राश्ट्री तकनीकी कपड़ा मिशन ज्नेई योजनाएं कन्नै भारत गी शीर्ष नेतृत्व दी स्थिति हासल करने च मदाद मिलने दी मेद ऐ।

<><><><><><>

NHRC Notices

मनुक्खी अधिकारें सरबंधी राश्ट्री आयोग नै उत्तर पच्छमी दिल्ली च इक खुल्ले नाले च डिग्गने करी इक जागतै दी मौती दी रिपोर्ट पर दिल्ली दे मुख सचिव ते पुलस कमिशनर होरें'गी नोटस जारी कीता ऐ। आयोग नै मीडिया रिपोर्टें दा आपूं गै संज्ञान लेंदे होई चार हफ्तें दे अंदर तफसीली रिपोर्ट मंगगी ऐ। आयोग नै दिल्ली विकास प्राधिकरण दे उप-अध्यक्ष ते दिल्ली नगर निगम दे कमिशनर

होरें'गी बी नोटिस जारी कीता ऐ। आयोग नै आखेआ ऐ जे एह मीडिया रिपोर्ट अधिकारियें दी लापरवाही करी पीड़ितें दे मनुक्खी अधिकारें दी उल्लंघना दा गंभीर मुद्दा पुट्टदी ऐ।

<><><><><><>

Last Rites Ratan Tata

मन्ने-परमन्ने दे भारती उद्योगपति ते परोपकारी रतन टाटा हुंदा खीरी संस्कार अज्ज मुंबई दे वरली शमशान घाट च पूरे सरकारी सम्मान कन्नै कीता गेआ। बड़ी मती गिनतरी च लोक, रतन टाटा होरें'गी श्रद्धांजलि देने लेई उत्थे जमा होए दे हे। रतन टाटा हुंदा जंदी रातीं 86एं बरें दी उम्री च काल होई गेआ हा। राष्ट्रपति द्रौपदी मुर्मु, उपराष्ट्रपति जगदीप धनखड़ ते प्रधानमंत्री नरेन्द्र मोदी होरें उंदी मौती पर झूंगा दुक्ख ते बसोस जताया ऐ। गृह मंत्री अमित शाह, केन्द्री मंत्री पीयूष गोयल, महाराष्ट्र दे मुख्मन्त्री एकनाथ शिंदे, गुजरात दे मुख्मन्त्री भूपेन्द्र पटेल ते होर केई नेता बी रतन टाटा हुंदे नडोए च शामिल होए।

<><><><><><>

HM-PHDCCI

गृह मंत्री अमित शाह होरें देश दे उद्योगें गी अपना रूतबा ते आकार बधाने दा आग्रह कीता ऐ। नमीं दिल्ली च अज्ज उद्योग ते व्यापार मंडल दे पीएचडी चेंबर ऑफ कामर्स एंड इंडस्ट्रीज़ दे 119में सालाना सत्र गी संबोधित करदे होई गृह मंत्री होरें आखेआ जे देश दे उद्योगें गी बड्डे सुखने दिक्खने होडन ते उनेंगी वैश्विक बनाना होग। उनें गलाया जे इस सुखने गी सच करने लेई चेंबर ते उद्योगें गी मिलिये कम्म करना लोड़चदा ऐ। गृह मंत्री होरें आखेआ जे

सरकार नै 2 जहार शा मते पराने औपनिवेशक कन्नूने गी हटाइये कंपनी अधिनियम च सुधार कीता ऐ ते 39 जहार शा मते नियमें दे अनुपालन गी सखल्ला बनाया ऐ। उने गलाया जे प्रधानमंत्री नरेंद्र मोदी हुंदे कोल अगले 25 बरें च भारत दे हर क्षेत्र च अक्वल बनाने दा नजरिया, तर्जुबा ते प्रतिबद्धता ऐ। गृह मंत्री होंरे आखेआ जे 2024 बरा औद्योगिक क्षेत्र लेई इक्क निर्णायक बरा ऐ। उने आखेआ जे मोदी होर 23 बरे थमां लोकतांत्रिक तरीके कन्नै लोके दा भरोसा जित्तरदे न। उने गलाया जे स्थिर सरकार विजन नीतियें गी प्रभावी ढंगे कन्नै लागू नेई कीता जाई सकदा। उने गलाया जे जे रत्न टाटा होर न छडे भारत सगुआं विश्व दे सम्मानित उद्योगपतियें शा इक्क न। उने गलाया जे रत्न टाटा उंदी विरासत म्हेशां गे उद्योग जगत गी प्रेरणा दिंदी रौहग।

<><><><><><>

Tele Manas

सेहत ते परिवार कल्याण मंत्रालय नै अज्ज नमीं दिल्ली च विश्व मानसिक सेहत दिवस दे मौके पर टेली मानस ऐप ते वीडियो काल सुविधा दी शुरूआत कीती। कार्यक्रम च विश्व सेहत संगठन डब्ल्यूएचओ टेलीमानस मूल्यांकन रिपोर्ट ते कर्मचारिएं लेई आप दिक्खभाल करने सरबंधी माडयूल बी लांच कीता। इस बरे लेई इस ध्याड़े दा विशेसार ऐ कम्में आली थारें पर मानसिक स्तर जेड़ा दफतरें ते कम्म करने दिएं होरनें थारें पर कम्म ते मानसिक सेहत स्थिति दे महत्व गी उजागर करदा ऐ। सेहत ते परिवार कल्याण मंत्रालय नै टेलीमानस हेल्पलाइन दे दऊं बरे पूरे होने पर खुशी जाहर कीती। अतिरिक्त सचिव अराधना पटनायक होंरे दफतरें ते कम्म करने आली होरनें थारें पर मानसिक तनाव दी

स्थिति कन्ने निब्बड़ने लेई बवस्था ते प्रबंधें पर जोर दिता। डब्ल्यूएचओ दे भारत च प्रतिनिधि डॉ. रोडेरिको एच. आफ्रिकन बी इस मौके मजूद हे।

<><><><><><>

Gorkhaland Festival

गोरखालैंड प्रादेशिक प्रशासन (दार्जिलिंग हिल्स) ते सिलीगुड़ी, तराई-डुआर्स इलाकें च महासप्तमी दी पूर्व स'झां पर धार्मिक जोश दे कन्ने फूलपाती शोभा जातरा आयोजित कीती गई। नेपाली भाषी गोरखा समुदाय विशेष रूप कन्ने फूलपाती गी रिवायती तरीके कन्ने मनांदा ऐ। रिवायती लाबे लाइयै ज्हारें बद्धे लोकें माता दुर्गा दे भजन ते जयकारा लांदे होई शोभा जातरा च शिरकत कीती। एहदे च देवी दुर्गा दी पालकी सने होरनें देवी-देवताएं दिआं झांकियां प्रदर्शित कीतीआं गेइयां। जुलूस च बौद्ध सने बक्ख-बक्ख धार्मिक, समाजी ते सांस्कृतिक संगठन शामिल होए।

<><><><><><>

Political Developments - JK

केंद्र शासत प्रदेश जम्मू-कश्मीर च अज्ज नेशनल कॉन्फ्रेंस दे उप-अध्यक्ष उमर अब्दुल्ला होरेंगी सब्बनें दी सैहमती कन्ने पार्टी दे विधायक दल दा नेता चुनी लैता गेआ ऐ। विधानसभा चुनावं च 42 सीटां जित्तियै सब्बनें शा बड्डी पार्टी बनने दे बाद नेशनल कॉन्फ्रेंस नै अज्ज श्रीनगर च अपने चुनावंs शा पैहले आहले गठबंधन दे सैहयोगी कांग्रेस ते भारती कम्युनिस्ट पार्टी - मार्क्सवादी दे साथ बैठक कीती। मीडिया गी संबोधित करदे होई उमर अब्दुल्ला होरें आखेआ जे नेशनल कॉन्फ्रेंस कांग्रेस पार्टी दे समर्थन पत्र गी बलगा करदी ऐ। एह मिली

जाने दे बाद ओह उप-राज्यपाल मनोज सिन्हा हुं दे नै मिलियै सरकार बनाने दा दावा पेश करडन। तोआई, जम्मू-कश्मीर दे मुख् चुनांs अधिकारी पाण्डुरंग के. पोले ते चुनांs आयोग दे होरनें अधिकारिये अज्ज उप-राज्यपाल हुं दे नै मिलियै उनें गी नमें चुने गेदे विधानसभा सदस्ये दी सूची सौंपी। इस्सै क्रम च चुनांs आयोग नै अज्ज जम्मू-कश्मीर ते हरियाणा च चुनावी प्रक्रिया पूरा होने दे कन्ने गे आचार संहिता हटाई दिती ऐ।

<><><><><><>

MCC-JK

जम्मू-कश्मीर ते हरियाणा च विधानसभा चुनाएं दे सिलसिले च लाया गेदा आदर्श आचार संहिता अज्ज हटाई लैती गई ऐ। निर्वाचन आयोग नै जम्मू-कश्मीर ते हरियाणा च विधानसभा चुनां कराने दी घोषणा दे कन्ने गे आदर्श आचार संहिता लागू करी दिती ही जेड़ी चुनां प्रक्रिया दे मुकम्मल होने तगर जारी रौहंदी ऐ। हून कीजे इत्थे चुनां बी होई गेदे न ते वोटें दी गिनतरी दे बाद नतीजे बी घोशित करी दिते गेदे न, इस करिए हून आदर्श आचार संहिता गी वापस लेई लैता गेआ ऐ।

<><><><><><>

Govt.Tax Devolution

केंद्र सरकार नै अज्ज राज्य सरकारें लेई 1 लक्ख 78 जहार करोड़ रपे शा मते दी कर राशि जारी कीती। वित्त मंत्रालय मुजब औने आहले त्यौहारें ते राज्य दे पूंजीगत खर्चे च तेजी लेआने ते विकास कम्में गी अग्गे बदाने लेई इक्क पेशगी

किश्त जारी कीती ऐ। सब्बनें थमां मती 31 ज्हार 962 करोड़ रपे दी राशि उत्तर प्रदेश गी दिती गेई ऐ, एहदे मगरा फही बिहार ते मध्य प्रदेश दा नंबर आँदा ऐ।

<><><><><><>